

«Վավերացնում եմ»

Հայաստանի Հանրապետության
Նախագահ Ռ. Քոչարյան
3 փետրվարի 2007 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ Մ Ա Ն

11 հունվարի 2007 թվականի N 68-Ն

223 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2005 ԹՎԱԿԱՆԻ ԱՊՐԻԼԻ 28-Ի N 540-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Հայաստանի Հանրապետության կառավարությունը որոշում է.

1. Հայաստանի Հանրապետության կառավարության 2005 թվականի ապրիլի 28-ի «Ծխախոտի վերաբերյալ տեխնիկական կանոնակարգը հաստատելու մասին» N 540-Ն որոշման մեջ կատարել հետևյալ փոփոխությունները և լրացումները՝ որոշմամբ հաստատված տեխնիկական կանոնակարգի՝

ա) 15-րդ կետի՝

առաջին պարբերությունը շարադրել հետևյալ խմբագրությամբ.

«15. Ծխախոտային արտադրատեսակների ծխախոտի տուփի յուրաքանչյուր միավորը, ինչպես նաև բոքսը և ծխամորժի ու ծխելու ծխախոտների թափանցիկ փաթեթում տեղադրվող ներդիր թերթիկը պետք է պարունակեն հետևյալ տեղեկատվությունը՝».

«գ» ենթակետում «մականշվածքում նշելով դրա երկիրը՝ որպես արտադրող» բառերը փոխարինել «մականշվածքում նշելով նաև արտադրողի երկիրը» բառերով.

բ) 16-րդ կետում «նշագրերը» բառը փոխարինել «տեքստերը» բառով.

գ) 17-րդ կետը շարադրել հետևյալ խմբագրությամբ.

«17. Ծխելու վնասակարության վերաբերյալ հիմնական նախազգուշացման տեքստը պետք է գետեղվի ցանկացած տուփի 2 առավել մեծ մակերեսով կողմերից մեկի վրա, իսկ լրացուցիչ նախազգուշացման տեքստը՝ մյուսի վրա: Նախազգուշացման տեքստերը պետք է ներառվեն սև գույնի շրջանակի մեջ և զբաղեցնեն ծխախոտային արտադրատեսակների մեծածախ ու մանրածախ առևտրում օգտագործվող սպառողական փաթեթի (ծխախոտի տուփի և բոքսի) 2 առավել մեծ կողմերից յուրաքանչյուրի մակերևույթի 30 տոկոսից ոչ պակաս մակերեսը, ներառյալ շրջանակը, և համապատասխանեն սույն տեխնիկական կանոնակարգում տրված օրինակներին (NN 1 և 2 ձևեր) և հետևյալ պահանջներին՝

ա) նախազգուշացման տեքստերը պետք է տպված լինեն այնպես, որ բացառվի դրանք հեռացնելու հնարավորությունը և տպված լինեն՝

հստակ ու ընթռնելի,

մուգ թանաքով՝ հակադիր ֆոնի վրա,

Արիալ Արմենիան (Arial Armenian) թավ տառատեսակով, հիմնական նախազգուշացման տեքստը՝ մեծատառերով, լրացուցիչ նախազգուշացման տեքստերը՝ փոքրատառերով, բացառությամբ առաջին տառի՝ մեծատառ

բ) հիմնական և լրացուցիչ նախազգուշացման տեքստերը շրջագծող շրջանակի

հաստությունը պետք է լինի 3-ից մինչև 4 մմ

զ) տառատեսակի չափը պետք է ընտրված լինի այնպես, որ նախազգուշացման տեքստերը զբաղեցնեն դրանց համար նախատեսված մակերեսի հնարավոր առավելագույն մասը.

դ) նախազգուշացման տեքստերը պետք է գտնվեն դրանց համար նախատեսված մակերևույթի կենտրոնում, տուփի վերին եզրին զուգահեռ և բացելիս հնարավոր լինի խուսափել այն վնասելուց.

ե) նախազգուշացման տեքստերը չպետք է՝

տպագրվեն կամ ամրացվեն թափանցիկ կամ արտաքին փաթեթավորման տարր համարվող թղթի վրա,

թաքնված կամ ծածկված լինեն այլ տպագրված տեղեկատվությամբ կամ պատկերով,

տպագրված լինեն սպառողական փաթեթի (ծխախոտի տուփի և բոքսի) ակցիզային դրոշմանիշերի վրա:

Ծխամորժի և ծխելու ծխախոտների թափանցիկ փաթեթավածքների դեպքում՝ սույն տեխնիկական կանոնակարգի 16-րդ կետով նախատեսված՝ ծխելու վնասակարության վերաբերյալ նախազգուշացումների տեքստերը պետք է զետեղվեն ներդիր թերթիկի վրա և զբաղեցնեն դրա մակերևույթի 30 տոկոսից ոչ պակաս մակերեսը:

Սույն տեխնիկական կանոնակարգի 16-րդ կետի «բ» ենթակետով նախատեսված 4 տարբերակով լրացուցիչ նախազգուշացման տեքստերից յուրաքանչյուրը պետք է նշված լինի մոտավորապես հավասար քանակով ծխախոտային արտադրատեսակների սպառողական փաթեթի (ծխախոտի տուփի և բոքսի) վրա, ինչը կապահովի բոլոր լրացուցիչ նախազգուշացման տեքստերի պարբերաբար երևալու հնարավորությունը:».

դ) 19-րդ կետը շարադրել հետևյալ խմբագրությամբ.

«19. Նիկոտինի և խեժի պարունակության վերաբերյալ տեքստը պետք է ներառվի սև գույնի շրջանակի մեջ և զբաղեցնի մեծածախ ու մանրածախ առևտրում օգտագործվող սպառողական փաթեթի (ծխախոտի տուփի և բոքսի) կողմնային մակերևույթի 10 տոկոսից ոչ պակաս մակերեսը՝ ներառյալ շրջանակը, և համապատասխանի սույն տեխնիկական կանոնակարգում տրված օրինակներին (NN 1, 2 ձևեր) և հետևյալ պահանջներին՝

ա) նիկոտինի և խեժի պարունակության վերաբերյալ տեքստը պետք է տպված լինի այնպես, որ բացառվի դրա հեռացնելու հնարավորությունը և լինի տպված՝

հստակ ու ընթեռնելի,

մուգ թանաքով՝ հակադիր ֆոնի վրա,

վրիպ Արմենիան (Arial Armenian) թավ տառատեսակով, «Նիկոտին» և «խեժ» բառերը՝ մեծատառերով, նիկոտինի և խեժի չափման միավորները՝ փոքրատառերով.

բ) նիկոտինի և խեժի պարունակության վերաբերյալ տեքստը շրջագծող շրջանակի հաստությունը պետք է լինի 3-ից մինչև 4 մմ.

գ) տառատեսակի չափը պետք է ընտրված լինի այնպես, որ նիկոտինի և խեժի պարունակության վերաբերյալ տեքստը զբաղեցնի դրա համար նախատեսված մակերեսի հնարավոր առավելագույն մասը.

դ) նիկոտինի և խեժի պարունակության վերաբերյալ տեքստը պետք է տպված լինի դրա համար նախատեսված մակերևույթի կենտրոնում, տուփի կողմնային եզրին զուգահեռ և բացելիս հնարավոր լինի խուսափել այն վնասելուց.

ե) նիկոտինի և խեժի պարունակության վերաբերյալ տեքստը չպետք է՝

տպագրվի կամ ամրացվի թափանցիկ կամ արտաքին փաթեթավորման տարր համարվող թղթի վրա.

թաքնված կամ ծածկված լինի տպագրված այլ տեղեկատվությամբ կամ պատկերով,

տպագրված լինի սպառողական փաթեթի (ծխախոտի տուփի) ակցիզային դրոշմանիշերի վրա:».

ե) 20-րդ կետը «բոքսերի» բառից հետո լրացնել «ծխամորճի և ծխելու ծխախոտների» բառերով.

զ) 22-րդ կետի երկրորդ պարբերությունից հանել «առնվազն 50 սանտիմետր» բառերը

է) լրացնել NN 1 և 2 ձևերով՝ հանաձայն հավելվածի:

2. Սույն որոշումն ուժի մեջ է մտնում 2008 թվականի փետրվարի 1-ից

**Հայաստանի Հանրապետության
վարչապետ**

Ա. Մարգարյան

2007 թ փետրվարի 1
Երևան

Ձև N 1

**ԾԽԱԽՈՏԻ ՏՈՒ ՓԻ ՎՐԱ ԾԽԵԼՈՒ ՎՆԱՍԱԿԱՐՈՒԹՅԱՆ ՎԵՐԱԲԵՐՅԱԼ ՀԻՄՆԱԿԱՆ
 ԵՎ ԼՐԱՑՈՒՑԻՉ ՈՒ ՆԻԿՈՏԻՆԻ ԵՎ ԽԵԺԻ ՊԱՐՈՒՆԱԿՈՒԹՅԱՆ ՏԵՔՍՏԵՐԻ
 ՁԵՏԵՂՄԱՆ ՕՐԻՆԱԿՆԵՐԸ**

Հիմնական նախագրուչացման տեքստը

Լրացուցիչ նախագրուչացման տեքստերը

<p>ԾԽԵԼԸ ՎՆԱՍԱԿԱՐ Է ԱՌՈՂՋՈՒԹՅԱՆԸ</p>	<p>Պահպանեք երեխաներին՝ թույլ մի տվեք նրանց շնչել ծխախոտի ծուխը</p>	<p>Ծխելն առաջացնում է սիրտ-անոթային հիվանդություններ</p>

Նիկոտինի և խեժի
 պարունակության տեքստը

<p>Խեժ մթնից Նիկոտին՝ մգ/մլ</p>		
	<p>Ծխելն առաջացնում է թոքի քաղցկեղ</p>	<p>Ծխելը հղիության ընթացքում վնասում է Ձեր ապագա երեխային</p>

ԲՈՔՍԻ ՎՐԱ ԾԽԵԼՈՒ ՎՆԱՍԱԿԱՐՈՒԹՅԱՆ ՎԵՐԱԲԵՐՅԱԼ ՀԻՄՆԱԿԱՆ ԵՎ ԼՐԱՑՈՒՑԻՉ ՈՒ ՆԻԿՈՏԻՆԻ ԵՎ ԽԵԺԻ ՊԱՐՈՒՆԱԿՈՒԹՅԱՆ ՏԵՔՍՏԵՐԻ ՁԵՏԵՂՄԱՆ ՕՐԻՆԱԿՆԵՐԸ

Հիմնական նախազգուշացման տեքստը

Լրացուցիչ նախազգուշացման տեքստը

	ԾԽԵԼՈՒ ՎՆԱՍԱԿԱՐ Է ԱՌՈՋՈՒԹՅԱՆ
--	-------------------------------------

	Պահպանեք երեխաներին՝ թույլ չի տվեք նրանց շնչել ծխախոտի ծուխը
--	---

Լրացուցիչ նախագրուշագման տեքստը

<p>Ծիխելը հղիության ընթացքում վնասում է Ձեր ապագա երեխային</p>

Նիկոտինի և խեժի
պարունակության տեքստը

<p>Խեժ՝ մզ/սիգ ՆԻԿՈՏԻՆ՝ մզ/սիգ մզ/սիգ</p>
--

Հայաստանի Հանրապետության
կառավարության աշխատակազմի
դեկավար-նախարար

Մ. Թովուզյան